

中興禮書

中興禮書第一百六十卷

吉禮一百六十

樂曲樂章二

淳熙二年加上光壽堯壽聖憲天體道性仁誠
德經武緯文太上皇帝壽聖齊明廣慈太上皇
后冊寶畢慶壽

正宮導引

新陽初應樂事起彤廷和氣滿吳京帝家來慶東皇壽
西母共長生金書玉篆架龍文前導沸懽聲修齡無極
名無盡一歲一回增惟天為大其德日誠惟堯則之其
性曰仁乃文乃武得壽得名於萬斯年以莫不增

太上皇帝出宮升御座

降御座
樂曲同

天行惟健天步惟安聖子中立以工四環民無能名威
不遠顏宗德宜頌漢儀可剛

太傅奉太上皇帝冊升殿

奉寶升殿
案曲同

天畀遐福允彰父慈維昔曠典我龍舉之徐爾陟降敬
爾威儀申錫無疆永言保之

太傅奉太上皇后冊寶升殿

乾健坤從陽剛陰相迨茲受祉允也並貺簋業在下儀
物在上咨時三公執事無曠

文德殿發冊寶

曲名與結興
十三年同

皇帝升御座

赫赫惟皇如日之光肅肅惟后如月之常禮行一時明
照無疆天子泣止疇敢不莊

使副入門

卜月維良練辰斯臧以工在建劍珮瑤瑤來汝疑丞明
命是將有叔其儀無或迨遑

使副奉冊寶出門

刻簡以珉鑄寶以金持節伊誰時維四鄰自我文德達
之穆清委蛇委蛇往迄于成

皇帝降御座

用行何昇于門東偏禮備樂成合扇鳴鞭皇帝舉玉趾
如天之旋燕及家邦億萬斯年

穆清殿受冊寶

曲名與紹興
十三年同

皇后出閣

椒塗蘭馭河潤山容副笄在首褱衣被躬靜女其姝寶

翼實從自彼西閣幸來殿中

冊寶入門

德隆位尊禮厚文綍乃篆斯金乃鏤斯玉群公盈門執事有肅願言保之永鎮坤軸

皇后降殿

規殿沈沈叶氣敗敗明章婦順表正人倫躡是左城暨于中庭尚宮顯相罔有弗欽

皇后受冊寶

備物典冊樂之鼓鍾拜而受之極其肅雖司言司寶各以職從從地有慶與天無窮

皇后升座

容典既膺壺彝既正羽衛外列揚顏中狀如帝如天以

莊以觀六宮承式二南流詠

司賓引內命婦入門

葛覃節用樛木逮下形為嬪則夙已心化茲臨長秋遂
正諸夏以慶以祈百祥未遑

司賓引外命婦入門

碩人其頌公侯之妻翟裼以朝象服是宜如星之芒邇
月之輝母儀既瞻群心則夷

皇后降座

窈窕淑女備六服兮陟降多儀聳群目兮內治允脩陰
教肅兮宜君宜王綏百福兮

皇后歸閣

天監有周是生太任亦有文妣嗣其徽音孰如兩宮慈

愛相承思齊之盛復見于今

皇帝從太皇后冊寶詣宮中

丕顯文王之德之仁亦有太姒式揚徽音維冊維寶乃
玉乃金伊誰從之一事親

太上皇后出閣升御座

降座樂曲同

重翟出房褱衣被躬委委佗佗河潤山容聖王臨軒聖
母在宮並受鴻名與天無窮

內侍奉太上皇后冊詣讀冊位

奉寶詣寶位

珉玉玢幽衷蹠精良既刻厥文亦鑄之章象德維何至
靜而方輔我光禔萬壽無疆

顯仁皇后神主祔廟

初獻詣顯仁皇后神主位酌獻登歌作永元

之樂

欽宗廟通室為樂皇帝后安恭皇后

神主廟司天不重述

恭仲惟南聖林母南躋仲祔太孔林時仲陳黃羞南宗

太祔南徵太福南坤林儀仲鼓姑鍾仲惟太序黃牲太

玉黃載仲祗林於仲皇黃來應格南永南介林丕黃基

仲

中興禮書第一百六十三卷

吉禮一百六十三

鼓吹歌曲

紹興十六年十月十九日禮部言都省批送下太常博士駱庭芝劄子竊見今來郊祀大禮所教鼓吹樂曲係用紹興十三年郊祀大舊本數內十二時曲詞云奉宗桃移御永嘉遙嘉薦有含桃欲改云奉宗桃御題新拓室原廟薦含桃批後送禮部看詳申尚書省本部取到上件詞曲全文內上三句云日將旦陰曠潛消無復嘯群妖內無復嘯羣妖一句欲改作天宇扇祥飈又元曲內移御永嘉遙嘉薦有含桃兩句緣薦含桃係常祀新之禮今來係郊祀大禮鼓吹曲欲改作新廟勝宸毫配

有饗于郊尋勒鼓吹今按曲聲律委是和協詔依

導引

紹興十三年學士阮瑩五曲

聖皇巡守清蹕駐三吳千世嗣瑤圖邊戍不動干戈戢
交德溥天敷灰飛緹室氣潛啞郊見紫壇初歸來赦令
樓前下嘉氣溢寰區

六州

雙鳳落佳氣鵲龍山澄江左清湖右日夜海潮翻因吉
地卜築園壇宏基隆陞級神位周環邊陸靜掛起橐鞭
奠枕海隅安三年親祀一陽初動豐年大報高處紫煙
燔看鳴鑾鈎陳肅天仗輅鳴鸞鳳孤竹管雲和瑟樂奏
徹天闕嘉蓮薦豆奠璵璠奉神歡九瑞祥煙來如風馬
倏然還留福已滋繁回龍馭升丹闕布皇澤春色滿人

間

十二時

日將旦陰暝潛消天宇扇祥飈邊陸靜謐夜熄鳴刁文
教普旁昭興太學多士舒翹奉宗祧新廟榜宸毫配侑
享於郊慈寧萬壽四海仰東朝男女正中壺致桃夭年
屢檢漕舟銜尾夥高廩接楹饒廟堂自有擎天一柱功
比漢庭蕭多少羣工同德俊乂旁招吉祥諸福集燮理
四時調三年郊見六變奏咸韶望雲霄降福與唐堯

奉裡歌

蒼蒼天色是還非下視應疑亦若非統元氣覆無私四
時寒暑惟移物蕃滋造化有誰知嚴大報反本始禮重
祀神祇律管灰吹黃宮動陽來復景長時車陳法駕伏

列黃麾帝心祇紫霄濟霜華薄星烟明垂祥烟起紛敷
浮袞冕六變笙鏞特奏一誠玉幣交持宮漏聲遲千官
顯多相儀百神嬉夙馬雲車來止綏誕降純禧受神榮
萬年無極歌頌昊天成命周詩

降仙臺

升烟既罷良夜未曉天步下神邱鏘鏘鳴玉珮燁燁照
金蓮香霏雲裘綵仗初轉回龍馭旆旌悠悠星影踈動
與天流漏盡五更籌大明升東海頭杲杲靈曜倒景射
旗旒輦路旦修蔥鬱瑞光浮祥瞻雙闕看御樓有仙鶴
書教囚萬方喜氣均祉福播歌謳

導引

紹興二年學士阮拙五曲然按興會
照此為光宗時樂曲非禮書原本必為會

要等書撰入然以
類相從附存亦可

重明天子長至奉神虞九奏會朱軒星暉雲潤東方曉
拜貺竹宮初歸來千乘護皇輿瑞景集金鋪鶴竿高唱
恩書下惠露匣中區

六州

嚴更永今夕是何年玉衡正鉤陳架天宇起祥烟協風
應江海安瀾重規仍疊矩聖主乘乾舜受禹盛事光前
稱壽玉危邊三年親祀一陽回律八鄉承宇觚陞紫為
壇仰天顏齋居寂誠心肅禮容專鳴鐘石擁輿衛五路
列駢聞聽金鑰虎旅無眠儼千官頊期顯相嘉邊一人
儉德動天淵費減大農錢神宗格宗桃燕人民祉福正
綿綿

十二時

庭有燎疊鼓鳴鼉更問夜如何信星彪列天象森羅虞
旦闕宮畢觴清廟漿柘尊犧繼猗那嘉頌可同科扈聖
萬肩摩飭躬三宿泰疇緝儀多丘澤合嶽瀆從義娥神
光燭雲車風馬芝作蓋玉為珂奉瑄成禮燔柴竣事休
嘉碑隱丹闕湛恩波共願乾坤隤祉邇鄙投戈覆盂連
瀚海洗甲挽天河欣喜色長遇六龍過奏雲和三卷
薦嘉禾

奉裡歌

吹葭緹籥氣潛分雲采宜書壞效珍長日至一陽新四
時玉燭和勻物欣欣造化轉洪鈞郊之祭孤行管六變
舞雲門自古嚴裡犧牲具粢盛潔豆邊陳袞龍降弊玉
紛綸徹高閣靈芝游神哉沛排歷崑崙九歌畢盈郊瞻

煥燎斗轉參橫將旦天開地闢如春清蹕移輪闕然鼓
吹相聞爾祥雲驪驢八陞釐逆三神聖矣吾君華封祝
慈官萬壽椒掖多男六合同文

降仙臺

漏殘折靜雞聲遠到高燎入曾霄雲裘蟠瑞霽天步下
嘉壇旗旆飄搖黃麾列仗繞蹕整氣壓江湖導前從後
盛官燎玉珮間金貂望扶桑日漸高陰霾霜雪抵處不
潛消輦路祥飈披拂絳紗袍雲間端闕仰宮堯播春澤
喜浹黎苗禮成大慶龍三忭受昕朝以上光宗會要
乾道元年詞同于
內六州止改存鍾石約與街作攤興街五路
不求全作五路列斯闕其十二時奉禮歌降仙臺並同
乾道元年

六州

慶元三年 然按此
為寧宗時樂曲

皇撫極明德貫乾坤信星列卿雲爛輝亘紫微垣思報
貺明昭祠官練時蒐曠典紫時觴壇昭孝德親御和鑒
振玉珊珊精純謁歎肯蕭煬煬黃流泔淡百末生蘭扣
天闔延飛駕相放悌降雲端神光集嘉饗應肅肅萬衣
冠跋熙事清曉輕寒恣榮觀華文霧縠般乾坤並貺慶
君歡翹首聖恩寬遵皇極流天澤靈心懌龜鼎永遵安

十二時

霄景霽河漢清夷曠典講明時合袂升脩孝德爰熙陳
裸闕宮澹觴太室來奏天儀駟蒼螭玉輅馭誕綏觚陞
展躬祠長梢飾玉翠羽考金支華始倡雅韻出宮垂神
來下雲車風馬儼暗藹宴棲遲畢觴流昨高煙跋事崇
黎廼倡宣室受蕃釐盛德無心專鄉端為民祈雲恩敷

有截兩澤霽無涯君王愉樂和氣溢瑤卮壽夭齊長擁
神基

奉禮歌

霞飛璇簫孕初陽雲紀清臺薦景祥風應律日重光歲
功順底金籙壽而康庭壺樂皇展報新禮樂觚陞詠賓
鄉珠幄煩黃登瑞縑陳俎豆澹嘉觴袞衣輝煥寶珮琳
瑯奠椒漿慶陰陽神來下鳳翥龍驤靈燕喜錫符仍降
嘏鑄球琳惟亮神之出板蘭堂輦路天香輕煙半襲旂
常祉滂洋受釐宣室返馭齊房恩與風翔華封祝皇宋
有慶八荒同壽寶歷無疆

降仙臺

星芒收采雲容曉放羲馭漸陽明觚壇跋事霄風襲袞

衣輕鑾路塵清泉泉鹵薄祿威蕭回軫旋衡千官導從
架簪纓鈞奏間韶英瞻龍闈近鳳城都人雲會芬第夾
道擁迎宸極尊榮卮玉慶熙成瓊樓天上起和聲布春
澤洪暢寰瀛嵩呼萬歲龜三抃頌昇平

恭謝

導引

此天祐元年三曲。為真宗時樂曲。杰按

重熙累盛睿化暢真風尊祖奉高穹林莽綵仗明初日
瑞氣滿晴空玉鑾徐動出瑰宮虔鞏肇宸衷禮成均慶
人神悅萬歲無窮

六州

承天統聖主應昌辰寶籙降游玉瑞命維新崇大號仰
奉高真獻歲當初吉天下方春謁秘宇藻衛星陳卿霑

極紛綸瓊編焜耀仙衣絳縑垂旒俯拜薦獻禮惟寅芬
芳備精衷上穹昊尊道祖享清廟助祭萬方臻升泰時
綽興彌文侍群臣漢庭儒雅彬彬烟飛火舉畢巖裡天
地降氛氲高臨華闕恩覃動植慶延宗社聖壽比靈椿
十二時

享嘉會萬寓歡康聖化邁陶唐元符錫命天鑒昭章
號奉琳房陳綺禮獻歲惟良耀旗章翠輦駐仙鄉睿意
極齊莊仙衣渥綵玉冊共榮煌薦芬芳飈馭降靈塲回
雲罕尊祖趨仙宇金石韻鏘洋聿朝清廟躬奠瑤觴報
本國之陽執蓮豆列待韶璫對窮蒼洪恩霈夷夏大慶
洽家邦垂衣紫極聖紫保遐昌集祺祥地久與天長

導引

嘉祐元年四曲均非禮書原本其天禧

嘉祐宜
列于前

六龍馳駕玉輅儼宸威天仗下端闈華旌翠羽籠黃道
赫奕照晨暉大哉仁孝踰堯舜主瓊螯度祇神靈勝靈
來歆答萬壽保純禧

合宮歌

泰陞平勲業屬全盛旰昃焦勞訪道績三朝仁政大庭
歲事歟上靈服冕執圭侑享尊累聖陳蓮豆奕奕嘉晴
神光回照百禮禮成回御天門講丕彝敷大慶蒙被草
木萬國仰聲明和聲

六州

嚴太寢容禮繹前經仰蒼粹欽厚順式報生成至信洽
上格神靈太和凝氣象霄宇澄清圭幣列鼓鍾鏗羣品

薦豐盈熙事既備大儀交舉百嘉允集萬福來迎和聲

十二時

金徒箭曉漏延長宵極爛星芒珠旒絢綵蔽采文章宸
表寢顯昂上交合奠鬯流香燎揚光神錫以百祥壽延
于疆三時告稔萬億滿蒼箱息邊防蠻貊盡來王和聲

中興禮書第一百六十四卷

吉禮一百六十四

祠祭行事官一

紹興十年二月二十七日禮部言判太宗正事士儼劄子契勘每年太常寺報到差四孟臘享太祀奏告行事官依條初獻差宗室官察使以上亞終獻差正任以上闕以次官充竊緣行在宗室數少不獨輪差頻併又官小差注不行今相度欲將親賢宅并紹興府宗室與行在宗室團練使已上通行籍定依祖宗典故輪差一年行事內有託疾事故即行宣醫候安好日補填次數庶得均齊不致闕官所有紹興府宗室乞下本府量差人船依官序支破驛券其行事日分令太常寺前一月闕

報本寺施行批送禮部勘當尋下太常寺勘當欲權依本官所乞只將行在親賢宅與行在太宗正司見在正任觀察使已下至遙郡刺史已上宗室通行籍定充五饗三獻并奏告輪差一年行事詔並依士儂所乞

十二年十二月二十一日禮部言太宗正行司申乞將紹興府太宗正行司與行在宗司并親賢宅宗室權差正任防禦使已上充初獻遙郡刺史已上充亞終獻通行籍定充每年五饗三獻并奏告行事送部勘當尋下太常寺勘當欲依本司所乞詔依

十四年十月十五日禮太狀太常丞王湛劄子乞每遇逐時祠祭闕官許本寺一面牒報國子監又闕即許申吏部差攝事送部看詳申尚書省本部尋下太常寺看

詳欲依本官所乞如本監官職事相妨乞從本監一面牒報本寺却申吏部差官施行批送禮部依看詳到事理施行

十六年二月一日監察御史巫伋言孟春薦饗太廟別廟行事有亞獻右監門衛大將軍告州刺史居毅不赴致齋詔特降一官

十九年六月二日禮部言知大宗正事士奎劄子契勘本司每年太常寺報到太廟五饗合差三獻并奏告薦獻南班宗室見遵依指揮依官序輪差內亞終獻並奏告及薦獻官係遙郡刺史已上雖見今員數不多尚可輪差外有初獻官係差正任防禦使已上緣目今正任人行在止有觀察使士街防禦使居廣紹興府止有

防禦使士錢其間遇有病患或式假或私忌並各相妨
委是輪差不行今相度欲乞親賢宅并紹興府行司與
行在南班遙郡團練使已上權行輪差充初獻却將遙
郡刺史以下至將軍充亞終獻並奏告及薦獻行事候
將來續有遞轉之人別取朝廷指揮仍乞自今後應差
充太廟行事奏告并攢官薦獻等如有大功已下式假
未滿或私忌係在受誓戒並大事日分及散齋致齋之
內比附御筆修定冬祀大禮令諸行事執事陪祠官在
散齋內遇式假未滿或私忌並赴受誓戒致齋行事條
令並令趁赴即不得預私家燒香批送禮部看詳本部
下太常寺本寺今看詳行在南班宗室員數比之在京
委實不多欲權依本官及太宗正司所乞候將來宗室

員數多日依舊制施行詔依

二十二年八月二十五日禮部狀契勘太常寺每遇祀祭等行禮所差行事官並令次第申乞差官近來本寺往往一面徑行牒報差請顯屬違戾本部今看詳欲乞今後遇有祀祭並令本寺次第申乞差官劄付禮部依看詳到事理施行

二十六年二月二十一日太常寺言勘會今月二十三日春分祀高禩初獻官魏良臣已除外任緣已受誓戒欲依儀牒亞獻官禮部員外郎呂廣式充攝詔依九月九日權禮部侍郎賀允中言准送下禮部狀准二十五年十二月十八日勅三省樞密院面奉聖訓國家致事當並遵祖宗舊制欲望特降睿旨令省部節次條

具續降申明指揮付有司看詳可否取旨施行本部據太常寺申勘會每遇祀祭等依儀令條法內祭祀天地初獻合差宰相執政官係本寺申禮部申取朝廷指揮差官及所差押樂太常卿丞光祿卿奉禮協郎律太祝太社太官令係依舊制本部光祿寺請官充闕即申吏部差其奉俎官薦香燈官亦係直申吏部差官外其餘應祀祭行事官本寺申禮部依所屬曹部合差行事官闕逐部差如本處闕官即係本處直闕吏部差官自後准紹興二十二年都省劄子指揮今後並令本寺次第申乞差官本寺今契勘上件指揮係一時申請權宜而行未應舊制條法本部勘會每歲大中小事差行事官舊來係依禮部太常寺具到事理並條儀差官行事昨

緣申降到朝旨下國子監差官及今次第申請差官是制與舊法相妨伏乞朝廷付下有司看詳可否施行批送禮部長貳逐一_一看詳可法中尚書省今看詳欲將先降朝旨更不施行自今後將每歲大中小祀所差行事別官依禮部太常寺已條具到事理並條儀差官行事別無輕重不倫抵牾依得祖宗成法經久可以遵用詔依二十七年十一月三日禮部侍郎周方崇言國朝之制上辛祈穀孟夏雩祀季秋祀上帝夏至祭皇地祇冬至祀昊天上帝皆嚴配以祖宗禘典祫容與親祠等是以政和新禮初獻之官必以執政所以致不敢以卑瀆尊之義頃權臣恬威憚於齋戒凡此五祀但遣侍從循習既久遂為故事陛下勵精更化百廢具舉冬至

與高禰之祠既已分命宰臣獨上辛夏秋四祀未還舊制欲望聖慈申詔有司自來歲始以宰執將事庶幾仰稱陛下欽祀之意詔依自來典禮施行

二十八年十月十九日同知太宗正事士街言十月十八日為太廟太典抽換椽杅畢工告遷祖宗帝后神主還殿室正奉安南班宗室合告遷步導其告遷時有利州觀察使居閔至告遷了畢不赴詔居閔至告遷特降一官

二十九年二月二十七日監察御史沈樞言二月二十五日春分祀高禰行事有太祝左奉議郎於閔詣青帝神位前讀祝文至皇帝御名並不出笏躬身詔赦罪十月二十一日禮部太常寺言十一月四日冬至祀

昊天上帝係大祀數內初獻以執令前十日受誓戒以後並係散齋日分緣內告廟奉謚冊寶奉慰竊慮宰執職事相妨若依舊例差侍從官充攝初獻即無妨礙詔差權工部侍郎王晞亮

時奉上前殿仁皇
后攝用寶故也

三十年三月十三日御史臺檢法官張開言三月九日出火祀大辰差攝監察行事有攝太官令右宣教郎施興祖飲酒至醉祀袒監視宰殺喧闐不肅更不令合干人打割神食顯是不恭詔施興祖特降一官仍依充替人例

七月二十六日吏部禮部太常寺言禮部員外郎洪邁劄子竊見每歲大祀五十五中祀四小祀十四自獻官而外必用奉禮授幣太祝筴祝太官令酌酒而大祀又

有兵工部官光祿卿丞太社令至于天地高禩感生帝
用執政將禮設八佾之舞鐘磬脩樂則又有太常卿丞
宮架祭歌兩協律郎歲所差官無慮數百比年以來唯
兵工捧俎以本部長貳郎官行事光祿卿丞時以太常
率領其他率于兩銓在選者取之除受誓散齋外當于
祠所致齋三日南至郊壇西至惠照北至九宮壇皆與
城市隔絕士大夫逆旅相去或數十里旅食京華桂玉
之地其勢不能以多僕使一遇行事則告勅囊橐預謀
寄寓州縣遠人不閑俎豆往往儀矩梗野不中法式恭
覩宋朝會要政和八年詔曰古者祭必擇士令太常寺
歲祀因仍舊例差吏部待次官攝事非致恭之意也自
今論差宗學及書局官吏部差官并罷今在朝百司除

館職已充獻官及刑獄錢穀之官不可差外自餘間無
事尚多欲乞令禮部具合差官關報吏部許于寺監丞
簿編修刪定學官宮教授六曹架閣六院釐務官內輪
行差攝不惟客寓人士得以真枕而朝官展采于禮益
恭足以仰稱明天子至誠咸秩之意批送吏部禮太常
寺看詳令看詳欲依本官所乞每大中小祀令太常寺
具合差官窠目申禮部備關吏部將前項逐官籍定輪
差職位行下太常寺照會如遇差官不足乞令吏部貼
差京局釐務官充攝並不許辭避詔依

十月六日監察御史梁仲敏言十月三日孟冬裕享太
廟行事有荐香燈官國子錄鄒樸捧還英宗皇帝神主
赴幄次時樸頭墜地及有荐香燈官太學正林栗捧還

徽宗皇帝神主赴帷次時脚觸倒設脂肝瓦登一隻碎
破發響各有此不恭詔卽標林栗各展二年磨勘
三十二年正月二十九日太宗正行司言契勘本司春
秋二仲承太常寺差撥南班宗室前去橫宮薦獻及濮
安懿王四仲月差亞終獻行事并食寒十月朔朝拜諸
陵雖有現管南班宗室員數不多兼內有年老宿疾假
故之人委是輪差不行今相度欲乞自今後如遇缺官
行事許從本司通差袒免親宗室如遇行事日逼促本
司一面先次權行差撥庶幾不致悞事詔依

三月二十六日禮部言戶部據四糧審院監官劄子契
勘本司近承吏部不特充差祠祭行事緣本司所掌事
務係干錢穀繁冗去處比之其他閑慢局所事體不同

今來並各差往致齋行事却致相妨乞申明施行本部
檢准紹興五年六月十四日勅令所看詳到四糧審院
省記內一項政和六年十一月至政和七年二月內奉
御筆措置四糧審院監官并免差祠祭行事伏望朝廷
詳酌施行尋下太常寺勘詳今檢准紹興三十年指揮
今後祠祭令吏部許于六院釐務官內輪行差遣如遇
差官不足令吏部貼差京局釐務官充攝並不許辭避
本寺契勘歲中大中小祀行禮所差行事官員數稍多
依昨紹興三十年指揮其糧審院亦係合差之數今來
逐官乞免差行事緣逐院各有官二員今看詳如遇同
日祠祭闕官令吏部于逐院官內各那差一員赳赳致
齋行事留一員本局治事庶得各不妨缺詔依

四月三日監察御史周操言四月十四日孟夏薦享太廟別廟受誓戒有薦香燈官右從事郎監打套局魏廷秀不到詔魏廷秀特降一資

十一月十六日禮部太常寺言檢准政和五禮新儀有司攝事及常祀昊天上帝皇地祇宰相執政官為初獻太廟別廟親王宗室使相節度使并郡王及觀察使以上為初獻今未除祀祭天地見遵依禮例外所有荐享太廟別廟昨緣宗室數少止係太宗正祭差宗室正任以上充初獻未合典禮兼契勘依儀大祀係吏部尚書掌誓禮部尚書侍郎初獻祀天地以宰執薦饗太廟別廟以親王宗室使相節度為初獻仍兼掌誓即不用吏部尚書以此見天地宗廟初獻事體一同今來天地初

獻降勅差官外所有荐享太廟別廟初獻亦合降勅差官難以從太宗正司輪差今欲乞自今後每遇薦太廟別廟所差初獻欲乞依五禮新儀并見今祀祭天地差初獻禮例降勅差官施行詔依

十二月十四日兼權吏部尚書凌景夏言勘會本部承受太常寺等處關申到應祠祭合差官行事依條例于在部官內差撥續承指揮輪在京職事釐務官緣其間有獨員及錢穀刑獄去處依指揮不許差行事外緣其間或有祠祭同日及兩處以上差官數多去處其合差官數少委是兩選差那不行今相度欲乞許于臨安府轉運司見任官內除刑獄并掌管錢穀監當獨員去處不差外其餘並行輪差仍令臨安府轉運司先具合差

官職位窠名申部若遇差出先具保明文狀申部照會
詔依

中興禮書第一百六十五卷

吉禮一百六十五

祠祭行事官二

隆興二年正月二十六日禮部言大宗正司申契勘太常寺報到差南班宗室充太廟五饗亞終獻并奏告薦等行事官依已降指揮將本司及吳益王府宗室置籍輪差內除寔病在朝假之人難以差充外已是員數不多其見赴朝參宗室遇有合當行事往往妄稱疾患旋朝假不伏論差今相度今後有如此之人欲乞從本司體訪見得訖疾在假即依紹興十年指揮宣醫審寔如果係非病推托從宣醫官徑申朝廷乞賜行遣庶幾稍知畏懼送部勘當申尚書省尋下太常寺勘當欲依本

司所申詔依

乾道元年三月四日同知大宗正事士銖言契勘宗司
並吳益王府南班宗室內士請久患目疾居端已得旨
外居士持士周近又身亡員數大段稀少每歲五享薦
獻太廟別廟朝拜諸陵及奏告等非泛行事委是論差
不行欲望聖慈乞將紹興府行司南班士叅士程士秀
士石四員與行在南班通差行事詔依

十一月嗣濮王士輅言伏念臣今年已七十三跪拜稍
艱欲望聖慈許依士衍例免差諸處行事詔依

十一月二十八日詔令太常寺今後每遇薦享合差宗
室三獻官報大宗正司輪差內將合降初差初獻官名
銜依例申尚書省

將每年五

二年四月十三日同知大宗正司士銖言念臣年迫桑榆筋力不逮去冬因臘享行事自太廟大病而歸醫治四十餘日方幸參告尚今脚膝無力拜跪艱難欲望聖慈許依士輅體例特免諸處行事詔依

十一月一日禮部狀如知大宗正事士銖申契勘南班宗室見輪差行事本司止有四員紹興府行司吳益王府各止三員其每年太廟四孟薦享臘享三獻官及奏告薦獻朝拜等大小祀二年十餘次用官四十餘員其現官員數大段稀少委是頻併輪差不行欲乞權許本司享三獻太廟別廟大祀行事官專差南班宗室外其小祀欲乞權許本司差行在及臨安府見任釐務不釐務並在部宗室文臣通直郎以上武臣修武郎以上差

充行事送部勘當申尚書省本部下太常寺勘會即無
小祀合差南班官員數今來本官所乞有碍禮儀條法
指揮今勘當欲乞闕報太宗正司依見今條儀指揮施
行後批送禮部依勘當到事理施行

八日吏部禮部言恩平郡王璵理會士穆宮觀等事送
部指定申尚書省吏部勘當士穆昨任右監門衛大將
軍和州防禦使陳乞在外永遠宮觀勅差提舉台州崇
道觀任便居住續承乾道二年正月十七日判大宗正
事恩平郡王璵狀伏見士穆陳乞宮觀不經由本司等
事奉聖旨士穆特降一官降授楚州團練使依前右監
門衛大將軍其元降指揮止是降一官即無降宮觀明
文今准批下恩平郡王申如士穆許依舊帶行提舉台

州崇道觀仍乞依舊存留行司赴赴行事本部今指定
欲依恩平郡王申乞將士穆依舊帶行提舉台州崇道
觀仍乞依舊存留行司赴赴行事又太常寺狀依乾道
元年四月五日已降指揮令士穆歸司同紹興府宗室
赴行在南班通差行事今來恩平郡王申士穆輪差赴
赴諸般行事今勘當欲令大宗正行司遵依上件指揮
同紹興府宗室赴赴行在南班通差行事施行詔依
十四日詔居廣令赴赴前後殿六參起居仍與免差諸
處行事

四年八月八日禮部狀大宗正司申乞差外官宗室通
輪行事批送禮部勘當尋下太常寺勘當本寺尋會大
宗正司除見管南班宗室員數外近來有無宗室升作

南班員數員本司回牒近准乾道四年七月二十一日
指揮士志士短士恭并與換元舊南班官本寺契勘每
年五享太廟別廟及奏告并春秋二仲薦獻諸陵及安
穆皇后安恭皇后橫宮并元日等朝拜景靈宮萬壽觀
并係依條儀指揮差南班宗室兼今來又升南班宗室
三員并見管南班宗室計一十員可以通輪行事今勘
當欲關報大宗正司遵依見行儀條指揮差官施行後
批送禮部依勘當到事理施行

九月十一日臣僚上言伏見邇者江東諸郡多被水灾
荆南歷陽亦為江水衝決隄岸圩田為害不細臣切讀
漢書五行志曰簡宗廟不禱祠廢祭祀逆天則水不潤
下又曰若不敬鬼神政令逆時則水失其性陛下郊祀

天地孟享宗廟嚴恭盡禮又嘗戒勅有司祇奉祀祭器之潔牲牢之豐預祀事者罔敢不虔安得而致水之不下潤耶臣反復思之有或未至者國家每歲祀天地并高禩以宰執為初獻其餘大祀以侍從卿監為初獻禮廢不講紹興二十七年高官有請於朝上辛夏秋四祀乞還舊制至三十一年冬至祀昊天上帝宰執以職事相妨自後孟差侍從官行禮其餘大祀或以館職代之臣恐或以是為禘祀之未合禮也今年孟夏上辛雩祀上帝差宰臣為初獻立夏立秋祀太廟一差中書舍人為初獻雖皆往行禮而未能盡如舊制欲乞特降睿旨今後祀祭並一依禮儀差官庶幾上下祇肅以事天地百神精誠感格可召和氣而致年穀之順成也詔依

五年九月二十七日禮部言判大宗正事恩平郡王璩
狀伏都諸陵櫬宮并濮安懿王神主神貌安奉並差紹
興府春秋二仲薦獻櫬宮及四仲月差三獻官詣濮王
安懿王園廟祠堂并寒食十月朔朝拜諸陵行事或非
泛差官皆係差南班宗室今來廟祀南班除士泰士秀
士穆伏蒙擢用外止有士程士石二員雖降到紹興三
十二年聖旨指揮如遇闕官行事許通差袒免親然袒
免親外官室宗往往注授他州軍差遣不差紹興府居
住設有可差之人臨期或有病患寔無可那容差撥今
有南班宗室士泰差知外司任滿已差士穆交替竊恐
士泰不即歸司委是闕官欲望發遣士泰前來本司依
舊居住赴諸班行事如違奏劾仍許令行司如遇闕

官無可差撥乞依行司輪差南班前去行在體例却差行在南班宗室通輪赴紹興府諸陵行事伏乞朝廷敷奏施行送部勘當尋下太常寺勘當欲依所乞詔依同日又言據新知西外宗正事士程申准省劄奉聖旨嗣濮王士輅劄子乞將士程依舊兼權園令職事免差諸般行事候缺期到日罷今契勘本司南班宗室除士泰士秀士穆士程蒙恩擢用止有士石一員委是闕官行事照得士程雖除知西外闕期甚遠况依舊兼權園令職事自合赳赳諸班行事難以免差欲望聖慈祥酌早賜處分禮部太常寺狀契勘士程舊係主奉園令職事即不曾免諸般行事詔依

十月十八日知南班宗正事士泰言臣桑榆晚景食指

稍衆去替不逮伏望除臣一在外宮觀差遣檢會九月
二十七日詔旨士泰差知外司任滿已差士穆交替竊
恐士泰妄有托故陳情不即歸司令發遣前來本司依
舊居住赴赴諸般行事如違奏劾詔依士泰差提舉台
州崇道觀餘依九月二十七日指揮施行

六年八月十三日禮部言判大宗正事恩平郡王瓌奏
契勘本司合差南班宗室荐獻諸陵橫宮并濮安懿王
王神主神貌春秋二仲荐獻橫宮及四仲月差三獻官
詣濮安懿王園廟祠堂并寒食十月朔朝拜諸陵及輪
差赴太廟等處行事緣本司見管南班宗室除病廢外
止有二員委是闕官輪差不行遂降到乾道五年九月
二十八日指揮本司南班宗室士泰外司任滿欲望發

遣前來本司依舊居住赴詣班行事續准當年十月十八日勅士葵差提舉台州崇道觀餘依九月二十七日已降指揮本司已行拘收士葵歸司居住續據士葵申承准省劄備坐指揮為年老多病依士衍例任便居住尋訪醫藥今契勘本司即目見管南班兩員委是稀少雖有指揮許興行在南班宗室通差行事臨期有病患之人亦是差撥不前今欲乞自今後西南兩外司宗室任滿之人許令本司拘收歸司輪差行事不得擅便在外托病陳乞官觀尋訪醫藥如違許從奏劾或遇實有病患有妨拜跪之人候歸司日許從本司勅令醫官看驗指實保明具奏與免諸般行事送部勘當申尚書省本部下太常寺勘當欲依所乞詔依

七年九月十二日三省樞密院劄子兩浙路計度轉運副使沈度轉運判官胡堅常言見應辦會慶人使來程及錯置收糴米料催發綱運并修蓋忠銳軍寨屋修砌廟子灣一帶潮水衝損江岸所管屬官七員并合分差管幹今來逐官不時徑承吏部差充祠祭行事動經旬日委是闕官伏望特賜指揮割下吏禮部照會日後免差本司屬官庶幾不致闕悞劄付禮部依所乞詔依淳熙元年十一月十六日太常寺言勘會二十日冬日至祀昊天上帝初獻差簽書樞密院事楊傑已受誓戒訖今除外任依議已齋而闕者通攝行事合係亞獻充初獻今欲以亞獻新除參知政事龔茂良充初獻行事詔依

二年八月九日禮部言大宗正司申據太子右監門率府率不諤不達不傳太子右內率不達不惹不蹟不止不外不搭狀各元係外官宗室近蒙比換南班官輪差諸班行事今伏見昨一般外官宗室先批換南班官士褒多才見與不諤等奉朝參事體一同即不曾輪差行事伏乞俯申朝廷許依不諤等一班輪差施行送部勘當申尚書省本部送太常寺勘當本司契勘亞終獻依禮儀止合差宗室正任以上所有今年孟秋荐饗太廟別廟大宗正司差到亞獻太子右監門率府率不諤終獻太子右監門率府率不達其逐官已不應前項禮儀緣有已降指揮輪差請行事今來士褒係右監門衛大將軍其官序在不諤等之上多才係太子右內率府

副率官序係與不遠等一同今勘當不諤等既已輪差
其士褒多才欲依不諤等輪差施行詔依

三年八月二十九日詔居中特令赴六參起居仍與
免差諸處行事

十一月二十八日判大宗正事嗣濮王士輅言今有安
定郡王令懿陳乞為見年七十歲拜跪稍艱乞依前安
定郡王令德例免差太廟等諸班行事詔依

四年正月十六日大宗正司言正月二十七日孟春薦
享太廟別廟行事三獻官本司已差昭慶軍承宣使士
欽充初獻右內率府副率不躡不外充亞終獻今來士
欽聞親兄士石喪合給式假太常寺稱不合赴致齋
行事本司檢准五禮新儀太廟別廟親王宗室使相節

度使郡王觀察使以上為初獻今來雖有使相節度使
郡王觀察使并得旨免差行事牒司疾速依儀制申朝
廷差官本司契勘南班輪差初獻官見今止有承宣使
士敏士峴今來並係士石親弟式假在受誓宿齋之內
服制相妨並有保康軍節度使居中安定郡王令極各
降詔旨免差諸班行事今來即無南班觀察使以上欲
望特降指揮詔權差居中一次

十月五日禮部言太常博士章謙劄子奏竊見監祭之
設周用祭僕漢用侍御史儆戒有司糾察不遵法度者
所以肅祀事也今遇同日祠祭監察御史員少寺監丞
簿或局務官皆得攝事秩卑望輕不敢舉職又按開寶
通禮致齋官無本司者於郊社太廟齋坊慶歷祀儀於

武成王廟五禮新儀於太常齋舍未有事於私廨者今行在釐務官浙司安撫司臨安府屬官間有本無司者每遇致齋只有在私廨何以致敬欲望睿斷明詔攸司遇監祭闕官必于郎官以上降勅送差致齋官無本司者聽于鄰近寺觀批送禮部看詳申尚書省尋送太常寺看詳下項 一檢准御史臺令諸監察御史闕預牒太常寺已齋而闕者就牒博士又闕牒祠官紹興三十年指揮今後祠祭令吏部差寺監丞簿等官充攝行事並不許辭避本寺今看詳如遇同日祠祭御史臺報到闕監察御史欲從本寺具窠目申禮部俟闕吏部輪請六曹郎官充攝更不降勅如在散齋致齋之內闕監察御史除初獻外如本祭有郎官即請郎官如无欲從上請

官一員充攝監察行事 一檢准開寶通禮凡預祀之
官致齋无本司者於郊社太廟齋坊前一日齋於祠所
政和五禮新儀無本司者於太常齋舍太廟齋宮前一
日質赴明祠所齋宮本寺今看詳行在釐務官浙西安
搆司官臨安府屬官若吏部差充祀祭行事内无本司
者如差充太廟五享等事合于太廟齋坊致齋若差充
祭太社太稷行事合于太社宮致齋若差充其餘祠祭
行事緣目今本寺即无齋舍聽於佐近寺觀致齋令臨
安府踏逐城内四向甫寺觀充歲中常祀无本司官致
齋去處詔依

同日禮部言太常少卿齊慶冑劄子奏臣伏見政和五
禮新儀凡宗廟大祠並差宗室使相節度使郡王及觀

察使以上為初獻宗室正任為亞終獻每遇奏告亦差宗室節度使至遙郡防禦使為獻官熙寧間嘗因臘饗有宗室使相辭疾在告待御史周尹謂以一日奏祠為憚則是悖德弃本亟申約束其所以嚴宗廟之禮者如此近來宗室或年齒差高或名位稍顯更乞免赴行事比及饗祭奏告闕官可差至或差率府副率以為獻官禮貌寢輕幾于褻瀆臣愚欲望睿斷照詳國朝典故今後宗廟祠祭並於宗室使相以下輪流選差非實有疾恙不許蠲免庶幾少稱國家嚴事祖宗之意送部看詳本部今看詳欲自今後每遇薦享奏告其所差獻官等乞將已有指揮免差行事官並見今輪差行事宗室並下大宗正司斟酌若見得有委寔年老之人艱於跪拜

并依免差指揮施行其年齒差高可以跪拜官欲乞并令本司依上件儀制差充五饗初獻行禮所有其餘亞終獻等官亦合照應儀制指揮輪差施行詔依

七年十月二日臣僚言竊惟尚書諸郎惟選部為最劇選部之劇惟侍右攷功為尤甚黎明入部文案山積雖有疆明率至日中而后辦究勢不可以兼二法有疑似事有從違欲筆一書事關利害非熟究本末者不可以暫攝今銓部他官時有未脩朝廷或使之兼領四時祠祭致齋三日乃使他官暫失攝夫兼二者事必壅壅則不能審不能審則吏胥之奸因得以乘其憚暫攝者不熟知不熟知則事之難行於正官者吏因得以乘其間夫胥吏之奸其弊不可以勝言也而大概有二或過以

成之或過以沮之過以成之者不十一過以沮之者嘗十五夫更為賕之視而成之者乃不如沮者之多何也蓋成之之過則有當職者難之都省退之給舍駁之御史察之其罪則有所歸也沮之者非固沮之也乃所以為求賂之資也賂未入手則一紙告示遠者有年歲之淹近者有數月之滯任其職者壅而不或審暫而或不熟往往以使之能執法也而姑從之士大夫羈縻于逆旅者於是懼焉而多寡之求惟吏之為聽此銓法之所以弊賂賄之所以行士大夫之所以多滯留之嘆祖宗時侍右致功郎官率置兩員朝廷既不欲添置臣愚欲望精擇強明之士以備四選缺則以勲封工駕都官之事簡者兼之致功右侍勿使兼二四時祠祭與之免差

伴之盡心職業奸胥弊倖庶其少革取進止詔今後吏
戶刑三部郎官免差祠祭行事如遇闕官許于鄉監館
職內通差

九年十一月二十一日嗣濮王士欽言昨蒙聖恩除授
開府儀同三司恩數等並依士輅指揮契勘士輅昨奉
聖旨特免諸處行事重念臣年齡衰暮拜跪極艱欲望
聖慈特降睿旨許臣依士輅指揮特免諸處行走詔依
二十八日太宗正司言准太常寺牒十二月十四日臘
享太廟別廟行事數內合差初獻一員承差到嗣濮王
士欽續承指揮士欽免諸處行事所有臘享初享牒牒
司施行尋差昭慶軍節度使士峴至本官狀緣為患見
在朝假將理乞別差官契勘本司南班宗室除士峴士

欽外無官可差止有見赴赴朝參方千衛將軍不倚多才欲乞點差一員伏乞特賜指揮自今後許從本司通輪將軍以上充初獻行事詔差不傳餘依

中興禮書第一百六十九卷

吉禮一百六十九

羣臣家廟一

紹興十六年六月十四日詔令造吳益家廟合用祭器并匣等

二十六年五月十五日禮部太常寺言勘會已降指揮少傅楊存中許立家廟係正一品其合用祭器籩豆各六十隻并巾蓋簋簋各二十隻并蓋鉶鼎一十隻并枳陶登一十隻并蓋俎面案一十四面壺尊壺罍散尊各一十隻并巾銅杓三十柄爵站一十五副祝站五片銅燭臺一十五座罍洗二副并篚二隻杓二柄共用黑漆匣一十具白絹拭爵巾一條悅巾一條各長八尺共用

黑漆腰輿一十隻紫紬條索二十條所有合用祭器欲
乞令工部行下所屬依樣製造給付詔依自後吳璘虞
允文家廟祭器並依此制

隆興二年四月二十六日禮部言少師奉國軍節度使
吳璘狀契勘璘叨蒙恩數家廟未立欲望朝廷敷奏許
立家廟仍乞賜器依楊存中體例施行詔令禮部看詳
本部下太常寺檢會到昨少傅楊存中係陳乞立家廟
并賜器祭本部今看詳本官所乞合取自朝廷指揮詔
依

乾道元年四月一日詔將來皇后歸謁家廟所有合用
制度等令有司檢照禮例條具十一日禮部太常寺言
今檢照家廟制度等禮例條具下項 一西孟月擇日

饗家廟差本人親賓行事及應合用酒齋禮料等并差人赴宅祇應合照應壽聖太上皇后宅禮例施行一祭器每位蓮豆各一十隻并中蓋簋簋各二副釃鼎二隻并杓俎二面壺尊二隻并中杓壺罍二隻并巾杓爵站三副祝站一隻燭台三座登二隻罍洗一副篚杓巾全速令工部行下所屬製造給賜一將來皇后歸謁家廟于典禮別无該載其歸謁止合依家禮詔依五月八日詔皇后家廟令兩浙轉運司隨宜修蓋

中興禮書第一百七十卷

吉禮一百七十

羣臣家廟二

淳熙四年四月二十五日詔轉運司同修內司修蓋皇后家廟所有合用制度令有司檢照禮例條具施行
五月一日禮部太常寺言所有今來皇后宅家廟祭祀欲乞依乾道元年四月十一日已降指揮數目令工部行下所屬製造給賜詔依

九月二十七日詔將來皇后歸謁有司檢照禮例施行
十月四日禮部太常寺言勘會將來皇后歸謁家廟於典禮別元該載今檢照禮例歸謁止合依家禮詔割與皇后殿照會

五年九月二日故韓世忠妻秦國太夫人茆氏狀恭覲
聖旨將妾所居前洋街宅第賜幼男彥古充家廟重念
妾衰老疾病之身見同亡男彥朴孤遺幾百口將元棲
止之地伏望聖慈將所賜家廟於目今所居處見存空
地上隨宜建立所有儀制祭器等并依楊存中體例奉
聖旨令茆氏彩畫圖本申尚書省恭覲國朝典故所載
廟在大門之內中門之左內示親左示仁可應有私第
者立廟于門內之左如狹隘聽於私第之側力所不及
仍許隨宜今謹遵典故合于大門內中門左建立所有
家廟圖本彩畫繳連見到詔依

十二月五日禮工部言茆氏狀今准太常寺牒脩錄依
楊存中所賜祭器係朝廷指揮下所屬製造給賜伏乞

朝廷指揮施行後批送工禮部勘當禮部送太常寺勘當本寺申契勘韓世忠係正一品其所乞賜祭器並依楊存中體例名件一同今勘當欲乞令工部行下所屬依樣製造給付本部勘當欲依本寺勘當施行工部行下將作監本監行下文思院下界勘會候令降指揮下日行下本院以憑遵執依樣製造給賜本部今勘當欲依將作監勘會到事理施行詔依

十二月十一日少傅保寧軍節度使史浩劄子奏臣隨宦南北遷徙不常先臣祖考未有祠祀之地今蒙聖恩賜第都下既有定止揆之禮經凡家造宗廟為先欲望依前輩諸臣例許建家廟以奉先祀所有祭器乞下有司量行製造併以賜臣詔依

是年十二月二十七日詔史浩家廟祭器並如楊存中之制續淳熙六年正月六日臣僚上言所有史浩家廟祭器並如權行寢罷

六年正月六日工部言將作監申文思院提轄熊克等劄子契勘本院見承指揮鑄造故韓世忠家廟祭器數目浩漸申乞施行今具下項 一契勘本院即无樣制及合用花版今欲乞行下太常寺權借合造祭器各一件並所用花版赴院使用 一契勘祭器係是捏蠟花文入細造作全藉十分淨銅應副使用本院雖有鑄錢司于處州等處依年例發到銅止可鑄造官司印記常程生活難以鑄造花紋兼近于今年內將發到銅當官再行烹煉得止係七分淨銅今來鑄造祭器欲將已烹

煉到七分淨銅數目及前後鑄造祭器紐折分數準折
支破烹煉使用庶幾造作精緻一契勘全籍手高捏
蟻鑄錫錫釵磨鏗等匠人起此造作今緣禁止銅器街
市即无匠人雖有會解之人往往多係官司等處拘占
身役難以和雇今欲乞從本院指名踏逐會解手高上
匠時暫差借赴院造作詔依

月 日臣僚上言臣聞禮莫大于名分天子之分人
臣有人臣之分禮在郊廟器則以天子之制禮在私室
器則以人臣之制今有以造人臣家廟祭器而欲假天
子郊廟之器準以為式自古及今有是理乎臣觀工部
申明文思院鑄造韓世忠家廟祭器事欲下太常各借
一件充樣援鄉者製造虞允文家廟祭器以為例當時

禮官不謹禮法官失其守以至君與臣同器至今言之
不覺寒心今復可以為例耶臣前日已書過史浩乞鑄
造家廟祭器事其間有以龍杓名者臣心固疑之將謂
有司如祖宗時自有差等成式未暇究論今觀所申明
韓世忠祭器僭踰如此臣竊懼焉陛下伏寵勳門作成
武功先失其分國之禮法何以觀焉况又有難行者據
文思院申請所賜祭器數目浩瀚用銅極多欲下鑄錢
司不煉十分淨銅赴院送納所用工匠盡係入細工巧
生活欲旋踏逐行下所屬時暫差借臣以謂泉府國家
財貨之本建官置司專贍國用乃以人臣私室之故亦
得取給費耗銅齊其不可一也朝廷禁止銅器寓意圖
法姦工知畏方此少息今乃為人臣私室之故復欲追

追募上啟其端何以絕下之並緣為姦乎其不可行二
也有二不可行而又加之以僭踰豈容視以為常而不
加省臣竊謂今之所謂立家廟者其廟制既非如古階
阼門牖室位之法臨祭之日又无告之立戶迎牲獻酬
之事殆不過欲稍寬堂宇鋪設影象歲時薦饗不至隘
陋而已朝廷命之曰家廟亦錫之以名耳其禮既不如
古何獨于祭器必求其備以煩紊有司乎臣揆之禮經
與凡有家廟者計之不若且通用燕器禮曰敬則用祭
器鄭康成謂敬為賓客饗食也以賓客之事尤得通用
祭器於祭祀之事獨不通用燕器乎今太廟景靈宮皆
宗廟也唯太廟用祭器至景靈宮朝獻則用瓶盞盤盂
之屬皆燕器也人臣家廟何獨不可臣愚欲望將製造

韓世忠祭器指揮權行寢罷非唯可以正君臣之大分抑亦嚴國家之禁約有補事體寔為匪輕所有錄黃臣未敢書行貼黃稱如蒙聖慈從臣所陳所有製造史浩家廟祭器指揮亦乞併賜權行寢罷詔令禮官參考禮法詳議指定申尚書省

七年八月七日禮部狀準都省批下秦國太夫人妾節氏劄子奏乞給賜家廟祭器事批送部詳議申尚書省行下太常寺詳議本寺申照得唐會要百官一品至嫡士許祭家廟又唐通典六品以下許用祭器各有等差皇朝慶歷南郊赦書文武官許依舊式創立家廟至政和六年始詔禮制局造祭器頒賜宰執蔡京等至紹興十六年三月詔造秦檜家廟祭器依政和六年已行舊

制自後韋淵吳益楊存中吳璘虞允文皆被給賜所有
韓世忠等給賜家廟祭器因經臣僚繳駁權行寢罷當
時曾準省劄備奉聖旨令禮官參考禮法詳議指定申
尚書省緣自臣僚繳駁之後朝廷又議禁止銅器未曾
供申今來茆氏乞給賜家廟祭器事竊詳品官家廟祭
器禮法備于本朝政和典故紹興以來並係特降指揮
方行給賜本部契勘人臣之家不當僭天子之器以周
公之勲勞成王之叔父用之于魯後世議者且以為非
況餘人乎唐會要雖有許用祭器各有等差即元給賜
之文國朝元勳大臣未嘗有賜以天子之器者至政和
間蔡京等始蒙給賜近年秦檜楊存中吳璘等遂以為
例委是僭禮所有茆氏乞給賜家廟祭器初非特降指

揮及是援例陳乞中書舍人陳騭繳駁乞行寢罷委得允當欲乞依所奏施行後批送禮部從詳議到事理施行

十月二十七日禮部太常寺言奉詔令禮官將歷代及本朝賜臣僚家廟祭器等制度格式討論申尚書省今討論家廟古者諸侯五廟大夫三廟士一廟唐開元十三年敕一品許祭四廟三品祭三廟五品祭二廟嫡士祭一廟本朝嘉祐三年禮官詳定家廟制度平章事以上許立四廟大觀四年內出手詔曰禮有等差以別貴賤故廟之數天子七世諸侯五世大夫三世士二世不易之道也今以執政官方古諸侯而止祭四世古无祭四世之文又侍從官以至士庶通祭三世无等差多寡

之別豈禮意乎古者天子七世今太廟已增為九室則執政視古諸侯以事五世不為過矣可文臣執政官武臣節度使以上祭五世文武陞朝官祭三世餘祭二世又當時內降指揮高祖之上又有一祖未有稱乎議禮局看詳高祖以上一祖欲乞稱五世祖所有祭器制度唐雖有品官時饗其廟祭器之數即不載制度以何為飾照得鼎崇義三禮圖所載禮器遵豆簠簋柶杓尊俎爵坫篚洗並以竹木為之唯鉶以銅至政和六年禮制局參考古制易木以銅至紹興十六年禮器局官段拂等陳請乞凝土範金釐正郊廟祭器之數次及臣僚家廟給賜並依政和六年已行舊制所有歷代及本朝臣僚家廟祭器等制度格式下項 一禮記王制諸侯五

廟二昭二穆與太祖之廟而五大夫三廟一昭一穆與太祖之廟而三士一廟庶人祭于寢 一唐會要開元十三年勅一品許祭四廟三品許祭三廟五品許祭二廟嫡士許祭一廟庶人祭于寢天寶十載正月十日敕文天子七廟諸侯五廟大夫二廟士一廟今三品以上乃許立廟永言廣敬載感于懷其京官正員四品清望官及四品五品清官並許立私廟 一國朝會要慶歷元年十一月二十日南郊赦書應中外文武官並許依舊式創立家廟嘉祐三年七月二十五日宰臣文彥博言伏覩禮官詳定家廟制度平章事以上許立四廟欲乞于河南府營創私廟伏乞降勅指揮從之大觀二年十一月十六日議禮局言伏聞周制適士以上祭于廟

庶士以下祭于寢凡營居室必先建宗廟凡造養器必先備祭器庶差不踰于牲牲燕衣不踰于祭服自公侯達于比閭所以致孝于其先者如此故民風以厚國勢寧有唐推原周制崇尚私廟侍中王珪通貴已久而丞嘗猶設于寢太宗為立廟以媿其心及開元制禮自品官荐饗乃至拜掃皆有常儀五代抗援文物隕缺臣庶荐饗家自為俗草而化之寔在聖時所有臣庶祭禮欲乞參酌古今討論條上斷自聖學施行詔禮以祭為重先王制禮自士以上皆有廟饗其祖考以盡奉先報之本之義今稽古制法明倫厚俗廟制亦當如古然其世數之節荐饗之儀疏數之數與遷徙之不常貧富之有異使不偏不僭皆得其宜然後為稱可依所奏條畫來

上大觀四年四月二十八日議禮局言古者諸侯祭五世二昭二穆與太祖而五大夫祭三世一昭一穆與太祖而三適士祭二世祖禰而止故子夏傳曰都邑之士則知尊禰矣學士大夫則知尊祖矣諸侯及其太祖天子及其始祖之所自出荀子曰有一國者事五世有五乘之地者事三世有三乘之地者事二世所以別積厚者流澤廣積薄者流澤狹也按今品官下逮庶人皆祭三世无尊統上下之差流澤廣狹之別緣媿襲獎其流已久今欲準周制貴者比古諸侯祭五世其次比古大夫祭三世則可也若又其次比古命士降祭二世則奪人孝思追遠之情行之于外深駭群聽殆失先王緣情制禮之意請自執政官以上自高祖而下祭親廟四餘

通祭三世庶幾有尊統流澤之差內出手詔曰禮有等
差以別貴賤故廟祭之所天子七世諸侯五世大夫三
不易之道也今以執政官方古諸侯而止祭四世古元
祭四世之文又侍從官以至士庶通祭三世元等差多
寡之別豈禮意乎古者天子七世今太廟已增為九室
則執政視古諸侯以祭五世不為過矣且先王制禮以
齊有萬不同之情賤者不得僭貴者不得踰故事二世
者雖有孝思追遠之心无得而越事五世者亦當跋以
及焉今恐奪人之思而使通祭三世徇流俗之情非先
王禮制等之義可文臣執政官武臣節度使以上祭五
世文武陞朝官祭三世餘祭二世一政和五禮新儀
大觀四年三月內降指揮臣僚之家霑被恩典澤及祖

先最為榮遇其追贈官爵雖是寵以虛名緣直下子孫皆得用蔭及本戶差科輸納之類便為官戶故所贈三代愈多即所庇之子孫愈衆不特虛名而已今司封格三公以下至簽書樞密院初除及每遇大禮並封贈三代節度使雖封三代遇大禮方許封贈尚不在初除封贈之例其次官雖至東宮三師階雖至特進職雖至大觀文亦止封二代有以知祖宗以來重惜名器之意又高祖之上又有一祖未有稱呼本局劄子臣等看詳家祭之禮子孫所以致孝也其世數之遠近必視爵秩之高下以為之等是以或祭五世或祭三世或祭二世封贈之制朝廷所以廣恩也其世數之遠近亦以視爵秩之高下以為之等是以或贈三代或贈二代或贈一代

蓋朝廷之典以義制恩人子之心奉先以孝故遠近雖不同乃所以為稱也今來家廟所祭世數儀注已遵依御筆修定其封贈自合依司封定格施行至于高祖以上一祖稱呼臣等檢詳爾雅曰父為考父之考為王父王父之考為曾祖王父曾祖王父之考為高祖王父至四世而止按禮記王制諸侯五廟二昭二穆與太祖之廟而五則所謂太祖者蓋始封之祖不必五世又非臣下所可通稱祭法諸侯立五廟曰考曰王考曰皇考曰顯考曰祖考則祖考亦由王制所謂太祖不必五世者也令高祖以上一祖欲乞稱五世祖庶于禮經无誤更乞斷自聖學大觀四年四月初八日御筆依所奏一政和五禮新儀廟制文臣兩制武臣正任以上祭于廟

餘祭于寢文臣執政官武臣節度使以上祭五世文武
陞朝官祭三世餘二世應有私第者立廟于門內之左
如狹隘聽于私第之側力所不及仍許隨宜立廟間數
視所祭世數寢間數不得于廟事二世而寢用三門者
聽兄弟同居則合饗異居則分祭其廟饗世數踈數之
節同居則視其貴者異居則各視其品若父祖先立廟
後世子孫官卑者亦聽廟饗其數世之差各視其品
一祭器通典唐三品以上時饗其廟前一日設祭器之
數每室尊二簋二簋二瓶二鉶二俎二籩豆一品二品
各十三品八四品五品各六六品以下簋簋瓶鉶俎各
一籩豆各二掌事者以尊入設前楹下各于室戶六品
以下无廟者不言室戶之東北面面面上皆加幃幕首座

爵一餘座皆爵四置於站四品五品六品以下皆置於尊下加勺幕

八年九月二十九日數文閣學士提舉佑神觀韓彥直劄子奏先臣世忠起自微遠際遇聖時仰蒙陛下隆天厚地之德追封賜謚親灑宸翰冠于碑首生死俱榮臣舉族捐糜未足圖報萬分之一淳熙五年伏蒙聖恩特賜先臣世忠家廟祭器並依楊存中體例伏緣家廟畢工已久所有祭器未蒙給降欲望睿慈特降指揮施行詔令禮官遵依已降指揮參酌指定聞奏

太常寺言竊詳諸侯大夫許立廟雖載于禮經行于後世而給賜群臣家廟祭器並不詳見唐通典載三器以上時享其廟前一日設祭器不言所以賜臣下制度本

朝慶歷元年南郊赦書許文武臣僚創立家廟當時唯
有文彥博乞于河南府創營私廟雖從其請皆不著給
賜祭器之文至政和六年始詔討論臣僚家廟所用祭
器參定其制遂詔禮制局製造所製造取旨給賜時祭
京鄭居中鄧洵武余深侯蒙薛昂白時中童貫並以次
給賜紹興十六年詔造秦檜家廟祭器自此韋淵吳益
虞允文並該上件恩數皆非陳乞而得惟楊存中吳璘
始行陳乞亦蒙給賜今韓世忠家遂援以為例本寺今
具典故及今來事始未在前寔緣自古別無給降祭器
制度始自政和間給賜蔡京等亦出特恩非由臣下啟
請謂為當得惟楊存中吳璘陳乞而得賜當時禮官失
于詳議後省不曾繳駁遂致放行今韓世忠疊有陳乞

必欲遂請居議放行則自後官品及格之家皆謂為當時陳乞紛然朝廷無以拒絕則名器假人僭禮亂分莫此為甚參酌禮經未見考據况耗費銅齊追役工匠此例一開後必難塞禮官既經詳議後省又有繳駁今指定委寔難以施行本寺其此申禮部乞詳酌敷奏施行禮部備具奏聞

十月十二日詔韓世忠係中興勲臣可特賜家廟祭器並用竹木內勾去文飾臣僚上言臣伏見韓世忠家陳乞家廟祭器給舍禮官據義論奏皆為國家惜煩費重典禮今陛下斷自宸衷酌用中制改用竹木省去雕文其為創制皆非羣臣所及然端倪復開攀援必繼雖聖神謹禮專待元勳觀聽有初宜湏詳講必傳古義方協

今宜臣謹按禮賜弓矢然後征賜鈇鉞然後殺賜圭瓚然後為鬯蓋諸侯嗣位征誅祭祀皆不敢專必待命于天子也又按禮裸圭尺有二寸有瓚蓋凡裸酌鬯用爵灌之在瓚形如槃其柄以圭瓚為之然則天子命諸侯始承祭祀必賜以圭瓚者凡以祭祀交神惟灌為重者舉其重者賜之則餘得自用猶不盡賜之也臣竊見銅為祭器可以傳遠今斷難用銅則以竹木為之元有不壞之理壞而不易則陞上之賜易而自造則棄君之命臣欲畧倣古制今來韓世忠家廟祭器止令有司精緻製造爵勺各一給賜本家餘今禮官定合用禮式畫圖成冊同所賜器給付本家聽其自造並用竹木既不煩于公家亦有便于私用已昭恩典又合禮經伏乞睿旨

施行所有錄黃臣未敢書行詔依太常寺彩畫祭器式
樣文思院製造木爵木勺各一同給賜本家